

FRANSILLON

Fransillon goz, a Warlosker,
 Mantur, manturé,
 An euz foueret 'n e vrikaou berr,
 Mantur mantur manturette
 Mantantur mantur mantura.

'Vit eul leue du eus a Germoal,
 Hennez a zo bet kaoz d'e stal.

Laket 'oe d'ean en ragout,
 Ma 'n evoa mall d'hen dibri tout.

Eno 'oe gwelet eur jeu louz,
 Torchan Fransillon er bern plouz.

— « Ha mar gan-me c'hoaz d'ar festaou,
 Me houarno 'n hanter euz ma bouellaou.

» Me houarno 'n hanter euz ma bouellaou
 A skoo eur yenn 'n em fenn e-traou.

» C'hoaz na 'm ije ket bet a gas,
 Met 'balamour d'am fenherez.

» Met 'balamour d'am fenherez ;
 Me am euz gret d'ei kalz a vez. »

Roet ha kanet da *Groaz ar Vretoned*,
 gant Erwoan Auffret, eus Coadout.

AN HIGENANE (EGINANE)

Heman zo 'n ti braz hag uhel
 Hag a ve gwelet eus a-bell.

Higenane! Higenane!

C'hoaz 'vije gwelet a bell-bro,
 Pan'vert ar c'hoat 'zo tro-war-dro.

— 7 —

'Barz an ti-man e zo tri mab,
Unan roue hag eun all pab.

Unan roue hag eun all pab,
Hag eun all henvel ouz e dad.

'Barz an ti-man 'zo eun ôc'h mad,
Neal, ar wreg hen talv erfad.

Me wel ar wreg 'vont d'ar charnel,
Gant he fladen hag he c'hontel.

Troc'het-han pellik euz ho torn,
Gant aon da droc'han an askorn.

Rag askorn troc'het na dalv ket,
Nag ar gwad rivet ken nebeut.

(Roet ha kanet da *Groaz ar Vretoned*
gant an Otro Guillou, person Plourac'h).

SON AR PEROKET

Chilaouet eur zôn neve,
A zo iê,
Ha truezus ac'h eo ive,
Pini 'zo gret d'eur peroket,
A zo sotoc'h evit merc'hed.

Ar peroket pa deu ar goanv,
A deu skanv,
An em laka paour ha klanv,
Evit monet da di 'r mërion,
Evit goulen an aluzon.

Mërion a oa o repoz,
Epad an noz,
Kousket mad en o zoull kloz,²